



ოქმი:005. 3726142001

თარიღი:22/05/2026

ოქმი N 8

ოზურგეთის მუნიციპალიტეტის საკრებულოს სამანდატო, საპროცედურო, იურიდიულ

საკითხთა და ეთიკის კომისიის სხდომის

2026 წელი, 21 მაისი

ქ.ოზურგეთი

12:30 – 13:00-საათი

თავმჯდომარეობდა: მარიკა ჩხიკვიშვილი- მუდმივმოქმედი კომისიის თავმჯდომარე.

ესწრებოდნენ: კომისიის წევრები: ქ. ზომერიკი, ლ. კილაძე, გ. მდინარაძე, გ. კილაძე, ნ. ნადირაშვილი, ტ. არაქიძე, ლ. მესხი, ი. დობოჯგინიძე, თ. ქავთარია, ლ. კვაჭაძე, ქ. კვაჭანტირაძე, მ. ცქვიტინიძე, ი. ჩიკაშუა.

სხდომის თავმჯდომარემ მ. ჩხიკვიშვილმა კომისიის წევრებს გააცნო დღის წესრიგი, რომელიც დაამტკიცეს ერთხმად.

დღის წესრიგი

1. ოზურგეთის მუნიციპალიტეტში მეწარმეობის განვითარების ხელშეწყობის მუნიციპალური პროგრამის (პროგრამული კოდი 07 01 03) განხორციელების შესახებ” -ოზურგეთის მუნიციპალიტეტის საკრებულოს დადგენილების პროექტის განხილვის თაობაზე.

მომხსენებელი: მარიკა ჩხიკვიშვილი

თანამომხსენებელი : ხათუნა სურგულაძე

2. „ოზურგეთის მუნიციპალიტეტის ქონების საწყისი საპრივატიზებო საფასურისა და ქირის საწყისი საფასურის დადგენის შესახებ“ ოზურგეთის მუნიციპალიტეტის საკრებულოს 2018 წლის 3 ოქტომბრის N52 დადგენილებაში ცვლილებების შეტანის თაობაზე” -ოზურგეთის მუნიციპალიტეტის საკრებულოს დადგენილების პროექტის განხილვის შესახებ.

მომხსენებელი: მარიკა ჩხიკვიშვილი

თანამომხსენებელი: გენო მორჩილაძე

3. ოზურგეთის მუნიციპალიტეტის 2026 წლის ბიუჯეტის პირველი კვარტლის შესრულების ანგარიშის მიმოხილვის შესახებ.

მომხსენებელი: მარიკა ჩხიკვიშვილი

თანამომხსენებელი: გიორგი ჩაგანავა

4. ოზურგეთის მუნიციპალიტეტის საკრებულოს საჯარო მოხელეთა საკვალიფიკაციო მოთხოვნების, სამუშაო აღწერილობისა და ანგარიშების შედგენის მდგომარეობის შესახებ.

მომხსენებელი: მარიკა ჩხიკვიშვილი
თანამომხსენებელი: ნანა თავდუმაძე

მუნიციპალიტეტის საკრებულოს მუდმივმოქმედი კომისიის თავმჯდომარემ, მ. ჩხიკვიშვილმა, კომისიის წევრებს მოკლედ გააცნო სხდომის დღის წესრიგის პირველი საკითხი, მუნიციპალიტეტის მერიის მიერ წარმოდგენილი დადგენილების პროექტი, ვრცლად მასზე ისაუბრა თანამომხსენებელმა ხ. სურგულაძემ, რომელმაც აღნიშნა, რომ მსგავსი პროექტი მიღებული იყო გასულ წელს, მაგრამ დონორი არასამთავრობო ორგანიზაციების მიერ თანადაფინანსებაზე უარის თქმის გამო სრულად არ ამოქმედებულა, ახლანდელი პროექტით თანადაფინანსებელი იქნება მუნიციპალიტეტი და პროგრამის ამოქმედებას ხელი არ შეეშლება, იგი მნიშვნელოვან წილს შეიტანს მუნიციპალიტეტში მეწარმეობის განვითარებაში. თანამომხსენებელმა ხ. სურგულაძემ უპასუხა დასმულ შეკითხვებს.

კომისიის წევრებმა იმსჯელეს და მხარი დაუჭირეს სხდომის თავმჯდომარის მ. ჩხიკვიშვილის წინადადებას -პროექტი წარედგინოს საკრებულოს მორიგ სხდომას განხილვისა და საჯარო ადმინისტრაციულ წარმოებაზე დაყენების მიზნით.

სხდომის თავმჯდომარემ, მ. ჩხიკვიშვილმა, კომისიის წევრებს მოკლედ გააცნო სხდომის დღის წესრიგის მეორე საკითხი, მუნიციპალიტეტის მერიის მიერ წარმოდგენილი დადგენილების პროექტი, „ოზურგეთის მუნიციპალიტეტის ქონების საწყისი საპრივატიზებო საფასურისა და ქირის საწყისი საფასურის დადგენის შესახებ“ ოზურგეთის მუნიციპალიტეტის საკრებულოს 2018 წლის 3 ოქტომბრის N52 დადგენილებაში ცვლილებების შეტანის თაობაზე“, ვრცლად მასზე ისაუბრა თანამომხსენებელმა გ. მორჩილაძემ, აღნიშნა, რომ მსგავს საკითხს მუნიციპალიტეტის საკრებულო ამტკიცებს ყოველ წელს, შემდეგ კომისიის წევრებს კონკრეტულად გააცნო პროექტი. კომისიის წევრების მიერ გამოითქვა შენიშვნები მუნიციპალური ქონების პირდაპირი განკარგვის ფორმით გაცემისას საწყისი ფასის ან ქირის ოდენობის განსაზღვრის თაობაზე, ამისა და სხვა შენიშვნების გამო კომისიის წვრთა უმრავლესობით მიიღეს გადაწყვეტილება დადგენილების პროექტი შემდგომი სრულყოფის მიზნით დაბრუნებოდა ავტორს-მუნიციპალიტეტის მერიას.

კომისიის წევრებმა იმსჯელეს და გადაწყვიტეს -საკრებულოს დადგენილების პროექტი დაუბრუნდეს მუნიციპალიტეტის მერიას შემდგომი გადამუშავებისა და სამართლებრივად უკეთ გამართვის მიზნით.

სხდომის თავმჯდომარემ, მ. ჩხიკვიშვილმა, კომისიის წევრებს მოკლედ გააცნო სხდომის დღის წესრიგის მესამე საკითხი, მუნიციპალიტეტის მერიის მიერ წარმოდგენილი მუნიციპალიტეტის 2026 წლის ბიუჯეტის პირველი კვარტლის შესრულების ანგარიში, ვრცლად მასზე ისაუბრა თანამომხსენებელმა გ. ჩაგანავამ, რომელმაც კომისიის წევრებს გააცნო 2026 წლის ბიუჯეტის შესრულების პირველი კვარტლის შედეგები ძირითადი პარამეტრების მიხედვით, შემოსავლები და ხარჯები სახეობების მიხედვით, იმედი გამოთქვა, რომ წლიური ბიუჯეტის შესრულებას არსებული ტენდენციებით საფრთხე არ შეექმნება, უპასუხა დასმულ შეკითხვებს.

კომისიის წევრებმა იმსჯელეს და მხარი დაუჭირეს წინადადებას -ანგარიში წარედგინოს საკრებულოს მორიგ სხდომას განხილვისა და ცნობად მიღების მიზნით.

სხდომის თავმჯდომარემ, მ. ჩხიკვიშვილმა, კომისიის წევრებს მოკლედ გააცნო სხდომის დღის წესრიგის მეოთხე საკითხი-ოზურგეთის მუნიციპალიტეტის საკრებულოს საჯარო მოხელეთა საკვალიფიკაციო მოთხოვნების, სამუშაო აღწერილობისა და ანგარიშების შედგენის მდგომარეობის შესახებ, ვრცლად მასზე ისაუბრა თანამომხსენებელმა ნ. თავდუმაძემ. კომისიის წევრებმა იმსჯელეს

და გადაწყვეტეს საკითხი წარედგინოს მუნიციპალიტეტის საკრებულოს მორიგ სხდომას განხილვისა და ცნობად მიღების მიზნით.

გადაწყვეტეს:

1.დამტკიცდეს კომისიის დასკვნა და სხდომის დღის წესრიგში შეტანილი N1 საკითხი წარედგინოს მუნიციპალიტეტის საკრებულოს მორიგ სხდომას განხილვისა და საჯარო ადმინისტრაციულ წარმოებაზე დაყენების, N3 საკითხი-განხილვისა და ცნობად მიღების მიზნით.

2.N2საკითხი დაუბრუნდეს მუნიციპალიტეტის მერიას შემდგომი გადამუშავებისა და სამართლებრივად უკეთ გამართვის მიზნით.

3.N4 საკითხი წარედგინოს მუნიციპალიტეტის საკრებულოს მორიგ სხდომას განხილვისა და ცნობად მიღების მიზნით.

მარიკა ჩხივეშვილი

სამანდატო, საპროცედურო, იურიდიულ საკითხთა და
ეთიკის კომისია-კომისიის თავჯდომარე

გამოყენებულია კვალიფიციური
ელექტრონული ხელმოწერა/
ელექტრონული შტამპი

